


和 合 法 象



道藏輯要

金液還丹印證圖詩

西 胃集上

和合詩曰

二八清源正一斤休言等分是均平不知和合陰陽處更要參  
 詳子午辰申上見元當用已亥支出處必尋寅遇相合處成三  
 五和作中黃產至真

修鍊金液還丹之道不知鉛汞和合亦不成丹二八乃龍虎  
 所產藥物之數清源乃八月十五翫蟾輝正是金精壯盛時  
 三日暮震月現庚方是也至人知時採取候其經罷符至水  
 源至清之際採此太極初分之炁龍虎始姤之精以為大丹  
 之基即烏肝八兩兔髓半斤之謂也何必言其等分以此兩  
 物均平不多不少而已世間之學道者如牛毛達道者如麟

角見龍不識龍逢虎不識虎當面蹉過多以女子首經動時  
相交採取淫姝之氣以爲道猶如接竹點月不亦遠乎彼豈  
知採取要識清源和合要知時節方可成丹仙翁令其參詳  
子午辰者子午爲天地之中陰陽之首要人仔細參究以配  
合陰陽也申上建元當用己亥支出處必尋寅者且如鉛屬  
金也金生在己己金生水水生在申故金與水同宗則申與  
己相合也汞屬木也不生在亥亥木生火火生在寅故木與  
火共祖則寅與亥相合也其他自然而然觸類而長之可也  
遇相合處成三五和作中黃產至真者鍊丹之士旣得師旨  
發大勇猛心行大堅確志一念感通上天垂佑遇因緣則降  
龍伏虎遇時節則採汞取鉛遇和合則窮究陰陽遇制伏則  
調諧三五即悟真篇所謂三五一般都三箇字古今明者實爲  
稀東三南二同成五北一西方四共之戊己自居生數五三  
家相見結嬰兒嬰兒是一含真炁十月胎圓入聖基是也三  
五一會而產至真黃芽於中黃元海也

道藏輯要

金液還丹印證圖詩

五

胃集上  
川卷八